


# TAROPWE MET MI ENNET REN OPIOIDS (EW SOKKUN SAFEI):

# EPPETIN EAEA NGAWEN ME MET SIPWE FEERI



## MET EKKEI OPIOIDS?

Opioids, fan ekkooch a pwan iteni narcotics, ikkei ew sokkun drugs (safei sia kan mwanien ren) ekkewe a pachenong safean metek a wor taropwen seni tokter me ekkooch mi annuk.

Oxycodone (OxyContin®), hydrocodone (Vicodin®), codeine, morphine, fentanyl me heroin ikkei meinisin sokkun ei opioids me mi pwan wor ekkooch me nukun.




Fentanyl ew sokkun opioid mi nofit ewe a tori

50X 100X

Pechonunen seni heroin

Pechokunen seni morphine

## PWORAUS SENI HAWAII 2022



Waller, V. (2022, October 5). An Unusan ei State Hawaii Repwotun Non Ier Ren Cheki me Safeini Ekkewe A Nuno Keukun Safei Ra Angei (DOSE) – CY 2021 & Q1 2022. Laulima Data Alliance. [Apworousa Non Powerpoint]. Eppetin Nunon Keukun Opioid me Methamphetamine, Hawaii, Honolulu, HI, United States (towaw).

## EPPETI EAEA NGAWAN OPIOID

- Isoni ekkewe safei non neni mi tumwun.
- Poutano ekkewe safei kose unumi non tumwunoch. Katon [hawaiiopioid.org](http://hawaiiopioid.org) omw kopwe kuna nenien ia kopwe uwei sefanieno ie. Ranin Angei Sefani Ekkewe Safei Non Unusan Merika Mi Katou Taropwen Seni Tokter a awora pwan ekkooch neni me a fis itetian spring me fall, katon [dea.gov/takebackday](http://dea.gov/takebackday) ren pwan ekkooch pworaus.
- Eniwini ekkewe safei usun mi affat. Kosapw eaea/nounou fengeni me ekkooch noumw taropwen safei.
- Awora fansoun me nenien pworaus won afeiengawen ekkei drugs me mettoochun amwanien.

## SAININ IKA A KON NUNO KEUKUN EWE SAFEI OPIOID

- Ese-penuweni ika a peeno
- Makutumang, apwangapwang, ika ese ngasangas ika pichin ngasangasan
- Chika ika ngingin okumwukumw konik
- Weires mwokutun inisin
- Feu me mwotomot/chechen unuchan
- Araw, enutopw (gray) ika pwecheno tunawen ika ukun peun
- Kukun, kukununo me fan akkar non chononun mesan

## ANINIS

- **Kutta aninis** kopwe kekkeri Hawaii CARES won 1-800-753-6879 ika no ngeni [findtreatment.gov/](http://findtreatment.gov/).
- Angei ewe safeian eniwinsefanin an kon nuno keukun safei, ren ewe safei nalozone. Ese nifinifin io a tongenu uwou naloxone me non Hawaii.
  - Kutta naloxone won: [hawaiiopioid.org/prevent-overdose/](http://hawaiiopioid.org/prevent-overdose/) ika [hhrc.org/naloxone](http://hhrc.org/naloxone).
- Pwan ekkooch pworaus won [cdc.gov/opioids/index.html](http://cdc.gov/opioids/index.html).

## IKA KE EKIEKI NGE EMON A NUNO KEUKUN UNUMAN SAFEI

1

Mwittir kekkeri 911.

2

Ika mi wor, ngeni naloxone.

3

Achocho ngeni kopwe anisi ewe aramas an epwe neneno me ngasangas. Ika ese pich ngasangasan ika ngasangas, pwopwutani CPR.

4

Akonano ewe aramas epwe tiwinin an epwe eppetii esapw chika.

5

Nomw ngeni ewe aramas tori repwe war chon aninisin emerechensi.